



Rabu, 26 Juni 2024
Ogen : HAGAI 2: 10-14



METENGET NANDANGI ATUREN



Adi gawah-gawah ermobil ku kota paksa genduari enda, arus kita metenget i bas lampu lalu lintas. Sabap enggo ipasang kamera cctv si banci moto kita i datas nari, guna ngidah kita ntah sipake nge *seatbelt* ntah pe sabuk pengaman, entah lang. Pemaken seatbelt enda aturen si iterapkan guna njagai keselamatenta erkendaraan. Foto cctv enda jadi alat bukti pelanggaran siikenai denda adi kita ngelanggar aturen e, janah dendana igalarken i bas penggalaren pajak tahunan. Banci sengget-sengget kalak si la metengen nandangi aturen sabap galang denggo ia arus nggalar denda.

Metenget nandangi aturen, arus jadi kebiakenta. Sabap aturen e jine iberlakukan guna keselamatenta. Nabi Hagai mabai bangsa Israel ngangkai alu payo aturen-aturen agama gelah bangsa e ula melantar ras meros i bas geluh kinitekenna.

1. Daging si badia i bas punca baju la erbahan pangan si deban jadi badia bicara ikenai punca baju e.

2. Adi sekalak najis erkiteken ngkuit mayit langa burihina bana, ikuitna ka pangan e, maka pangan e jadi najis ka.

Alu contoh benda-benda badia ras najis, Nabi Hagai nuduhkan maka dosa-dosa bangsa e ngolangi pendahin pembangunan bangsa Tuhan. Kerina bekas pendahinna ras kasa kai si ipersebakhenna i batar-batar e barang keliamen nge. Nabi Hagai nuriken maka lenga bo badia kai siilakoken imam ras bangsa Israel.

Metenget nandangi aturen Tuhan, em tandana kita mehamat man baNa ras e me si erbahanca ngena ateNa. Ulihna, kai si jadi arapen ras sura-suranta guna kiniulin, pasti Tuhan njujuri i bas geluhta.